

Oajvvadusá oahppiááastallamij



Áhpadiddjijda gejj la oahppe guhti mahkkul

Diedoht viedtjat

Gå dujna I oahppe mánájskávlån guhti mahkkul, de bierru vuostatjin dilev guoradallat.

Oajvvadip æjgádij ságasta váj gulá gáktu dille I uddni ja gáktu I ávddåla læhkám. Ihkápp oahppe állu buoragitt riibbá mahkkulimijn, juogu de danen gá ber sjaddam la navti jali gá mahkkulibme I læhkám nav dábalasj malssjahålla, ij oahppe iesj jali nágin ietjes dasi reagieri. Ihkápp oahppe logopedgiehtadallama baktu aj ietjas váttesuodav la dáhkkidam ja dasi hárrjånám. Danen ihkápp i ávvånis dárbaha makkirak dájmav jáhtuj biedjat.

Ienemus bále I ájtu dárbbo oahppijn ságastallat. Dán girjátjin gávna buojkulvisájt dakkir gatjålvisájda ma dilev láhtji buorre aktisasj barggug oahppijn.

Tjiegaduvvam mahkkulibme?

Nágina gudni mahkkuli, iesjgenja láhkáj mahkkulimev tjiehkki. Galga val tjuovvot dakkir merkájt, duola dagu jus oahppe hæhkkat vásstádusáv vajálduhttá, adná bágojt ma e állu hieba, moaddi gárgadisájt rievddat jali ij heva njálmálasttjat oassálaste

Ságasta oahppijn mahkkulime
birra!



Gåktu mahkkulibme vájkkut la
ájádusáj, dábdoj ja guottoj
duogen.



Rabásvuohta mahkkulime birra

Dån áhpadiddjen i galga iesj mahkkulimev giehtadallat. Ahtu I duv duogen klássalanjáv hiebadit váj oahppe bæssá ietjas máhtov ja tjehpudagájt vuosedit. Ájnnašamos mav dån máhtá dahkat la láhtjet rabásvuodav oahppe ja ihkap klássa hárráj. Ij la sihkar oahppe sihtá klássaj nav álov giehttot mahkkulime birra jus vádtsá mánájskávlá vuorrasamos klássaj. Danen lisj dávk vuogas oahppev viehkedit rahpasit giehttot árrat mánájskávlááldarin viehkeditjatsuv vuojnátjit guojmmeoahppe ham mahkkulimev dáhkkidi. Tjiegaduvvam mahkkulime ájnnašamos sivva I gá jáhkká negatijva vájkkudusá sjaddi jus mahkkul. Oajvvadip logopeda vásstet bargo ávdås mij guoská negatijva ájádusájda ja dábdojda ma li mahkkulibmáj tjanáduvvam, ja duv barggo skávlån la viehkedit ja tjuovvolit.

Klássaj subtsastit

Gávnnuji moadda vuoge gáktu máhtá klássaj mahkkulime birra subtsastit. Jus oahppe unnin dassta ballá, de lisj dávk buorep jus oahppe ja logopeda dav aktan dahkaba ja dån la stáddán. Oahppáj gænna ij la logopeda jali dábddá ij dav dárba, lisj dávk vuogas jus dån áhpadiddjen oahppiijn ságasta gáktu galggá dáv klássaj subtsastit.

Gatjálvisá oahppijságastallamij

Smávva mánáj dásen

- Gåktu I div mielas jieddnát sáhkadit klásson?
- Gåktu I div mielas dáj ietjá oahppij ságastit tijmajn ja báttájn?
- Gåktu dujna dábddu gá mahkkula?
- Gåktu I div mielas gá mahkkula klásson?
- Gåktu máhtáv div viehkedit áhpadiddjen?
- Le gus aktak dâjs ietjá oahppijs dujsta gatjádallam mahkkulime birra?
- Le gus juoga majt lidji sihtat div klássa galgaj diehtet mahkkulime birra?
- Gåktu I div mielas gá klásson la ietjá áhpadiddje jali sadjásasj?

Gasskadásse

- Gåktu I div mielas jieddnát sáhkadit klásson?
- Gåktu dujna dábddu gá mahkkula klásson? (Buojkulvissaj gá jieddnát láhká, ávddánbuktema jali ietjá njálmálasj dájma)
- Le gus mige majt mán máhtáv dahkat váj div árggabiejvve skávlán bárrán?
- Gåktu I div mielas gá ietjá sajijn mahkkula? (buojkulvissaj báttán, skávlågæjnon jali asstoájggedájmajn?)
- Gåktu div mielas rádnada ja iehtjáda klásson ja skávlán reagieriji gá dán mahkkula?
- Diehti gus div klássaguojme nuohkásit mahkkulime birra ja gåktu dujna dábddu gá mahkkula?
- Jáhká gus dunji luluj viehken jus lidjin ienebut diehtet mahkkulime birra? Majt bierriji diehtet?
- Le gus makkirak vuohke gåktu mán áhpadiddjen máhtáv div viehkedit váj klássa oadtju ienebut diehtet mahkkulime birra?
- Logopeda I dakkár guhti máhtá viehken váj sjaddá álkkep mahkkulimijn rijbbat. Le gus dát juoga mij máhttet lij du viehkedit?

Ságájdahhttemskávve

Gasskadásse

Mij avta oahppáj la viehkken ij dárba nubbáj viehkken. Nágina e lijkku jus soames bágojt álli suv ávdås, madi iehtjádij mielas la állu árdnigis. Dán ságastallamskáven li moadda gatjálvisá majda oahppe galggá vásstedit: viehkken la, ij la viehkken jali muhttijn viehket. Ájnas la gatjádallat tjuovvoliddje gatjálvisájt váj oattjo állu diedoijt dan birra mij oahppe mielas la buorre doarjja.

Muv mielas viehket gá ...	Viehket	Muhttijn viehket	Ij la viehke
iehtjáda bágov muv ávdås álliji gá mahkkulav.	<input type="checkbox"/>	<input type="checkbox"/>	<input type="checkbox"/>
iehtjáda dibddi muv állit sáhkadimijn.	<input type="checkbox"/>	<input type="checkbox"/>	<input type="checkbox"/>
iv dárba jieddnát láhkát.	<input type="checkbox"/>	<input type="checkbox"/>	<input type="checkbox"/>
besav jieddnát láhkát unna juohkusin.	<input type="checkbox"/>	<input type="checkbox"/>	<input type="checkbox"/>
besav jieddnát láhkát dássju állessjattuga ávdån.	<input type="checkbox"/>	<input type="checkbox"/>	<input type="checkbox"/>
besav ávddånbuktet sæmme láhkáj gá dá iehtjáda.	<input type="checkbox"/>	<input type="checkbox"/>	<input type="checkbox"/>
besav ávddånbuktet unna juohkusin.	<input type="checkbox"/>	<input type="checkbox"/>	<input type="checkbox"/>
besav ávddånbuktet áhpadiddje ávdån.	<input type="checkbox"/>	<input type="checkbox"/>	<input type="checkbox"/>
iesj besav válljit goassa sidáv giedav bajedit.	<input type="checkbox"/>	<input type="checkbox"/>	<input type="checkbox"/>
áhpadiddje mujsta gatját sæmme álu gá dájis ietjá oahppijs.	<input type="checkbox"/>	<input type="checkbox"/>	<input type="checkbox"/>
besav áhpadiddjijn aktu ságastit.	<input type="checkbox"/>	<input type="checkbox"/>	<input type="checkbox"/>
divna iehtjáda klásson diehti mahkkulav.	<input type="checkbox"/>	<input type="checkbox"/>	<input type="checkbox"/>
nágina klásson diehti mahkkulav.	<input type="checkbox"/>	<input type="checkbox"/>	<input type="checkbox"/>
oattjov duodde ájgev ávddånbuktemijda.	<input type="checkbox"/>	<input type="checkbox"/>	<input type="checkbox"/>
besav iesj válljit goassa ávddånbuvtáv	<input type="checkbox"/>	<input type="checkbox"/>	<input type="checkbox"/>

Li gus dujna ietjá oajvvadusá ma ihkap máhtti viehkken?

Mahkkulibme skåvlån girjátja birra

Dát girjásj la oassen ressurssapáhkes *Mahkkulibme skåvlån*. Danna li moadda ávkálasj ressursa ma guoski skåvllámánájda gudi mahkkuli.

Jus sidá ienebut diehtet, gehtja statped.no.

Sámegiellaj járggálam Lars Theodor Kintel. Sianov dárkestam

ja hiebadam: Solvår Knutsen Turi. Almodam: Statped, 2025.

Statped la dáv dahkam Nasjonalt taleflytforum siegen.